

扈从西巡日 录

高士奇

文硕阁

wenshuoge.com

目录

关于我们	3
提要	5
扈从西巡日錄	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案扈从西巡日录一卷

国朝高士奇撰士奇有春秋地名考畧已着录

圣祖仁皇帝巡幸山西

驻驂五台山士奇时以侍讲供奉

内廷扈从往来因记途中所闻见始于二月十二日甲申迄于三月初七日戊申凡山川古迹人物土风皆具考源流颇为详核而

銮舆时巡太平盛典亦一一具载伏而读之犹仰见圣化恬熙豫防和乐之象亦足以传示来兹卷末载诗二十四首则皆其途中所作彙附于后者也士奇笔札本工又幸际

圣朝预参法从因得以笔之简牍流布至今亦可谓遭逢之至幸而文士之至荣矣乾隆四十六年十一月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

扈从西巡日錄

詹事府詹事高士奇撰

康熙二十二年二月十二日甲申

銮輿由宣武门出广寧门过卢沟桥河流沆漭桑干河也俗呼曰浑河亦曰小黄河桥建自金明昌初赵秉文诗云河汾桥柱如 蔓路入都门似犬牙落日卢沟沟上柳送人几度出京华见滏水集经房山县西南望大房山岩谷幽邃古碑称为幽燕奥室也元高克恭字彦敬侨居于此得二米泼墨法赵文敏虞文靖亟称之世人目之为高房山

驻蹕琉璃河宋王曾奉使錄作刘李河金史亦同蓋因刘李二姓居之河以是名今讹曰琉璃大房山孔水入焉石桥跨之形势巨丽亚于卢沟又有拒马胡良二桥皆以河水名拒马水即水经注所称圣水也出上谷东径石玉山过良乡县迳羊头阜合涿水桃水至河间入海一统志则云自房山龙泉峪流至霸州入拒马河防典所载琉璃河自磁家务发源潜流地中至良乡东入浑河以地形考之此当近是胡良河亦出房山

乙酉

驻蹕涿水县西北县城旧在拒马河西北二里俗名周城湾后徙置北莊俱为河水所啮乃移今所水经曰拒马河出代郡广昌县涑山酈道元注曰即涑水也丙戌行围易州山中荒冈巨阜多生荆株土人多垒石覆草以居烧灰为业歲取给于此易水出涿郡固安县閼乡城谷中东迳易州城入拒马河燕太子丹祖荆轲于易水上固此处矣

驻蹕丁家莊有饒易酿者较京师所市色味颇佳虽不能

饮为之薄醉

丁亥

驻蹕白涧村于莊溪旧志云州西南五十里有水从紫荆關南流入白涧水有二源合注一川川石皓然望同积雪故以物色受名

戊子

驻蹕大沙河是日所经之地梨枣茂密枝纠干亚映带平

皐似觀郭熙图画

己丑

上尚食于完县城南百姓观者无禁

赐以梁肉

召年老者使前各赍白金一定稚子亦赐制钱慰劳遣之

有蔡丹桂者在众中自言系县学生

上命讲飞在天利见大人及德輶如毛毛犹有伦句讲毕

丹桂奏言家贫不能为生

上赐白金五两金盘苹果六枚

谕之曰尔当努读书开卷有益也【臣】遭逢珥笔仰见皇上遊豫之时黄童白叟欢呼载道洵有尧民擊壤之风

焉

驻蹕唐县尧初封唐国及为天子始都平阳县东北十里有尧山俗名唐嵒又五里有望都山相传尧母庆都所居张晏注汉书曰尧山在北庆都在南每登尧山见庆都故亦名望都也元王恽秋涧集有曲阳道中诗软红沙路柳条风雪拥阳坡见睨融细绕嘉山三面过唐河东北望尧封嘉山在定州西曲阳与唐县接壤

庚寅过阜平县废址荒藁满目斑牛平阳鹁子小河诸水俱南流入滹沱按阜平本汉行唐县地宋置北寨金明昌中设阜平县我

朝省入行唐曲阳二县居民遮道上言废县后输税苦远愿复旧治

上悯之下部议乃复设焉

驻蹕王槐铺烟火千家三關孔道也志载成化十四年有异鸟止于阜平王槐铺林间其大如五防烂然声振岩壑人皆目之为鳳凰云今土人讹为王块铺辛卯雨过鞍子岭路渐曲崛水石潏纒登顿上下百二十里

驻蹕龙泉關關设于正统二年 曲阳县一统志云自是而东北至金龙口凡二十一關自是而西南至白羊口凡一十五關明御史裴绅奏疏云龙泉關在真定之西与紫荆倒马为声援

五台繁峙必由之路也按隋书唐书地理志曲阳關口有三八度倒马委粟皆极险要今惟倒马仍存旧名或云八度關在唐县西北界水曲屈有八度也

壬辰度长城岭又名十八盘岭凡二十里關山险隘石磴崎岖一松苍翠临崖碑题宋杨延昭挂甲树宋史载延昭于太平兴国中补供奉官从其父业攻应朔为先锋后又为莫州 练使防塞鄙北二十余年往来于此理或有之过岭入山西界蹊涂开广大雪弥望清凉诸峯森列可数时有二鹿遊戏岩岫呼之即至【臣】士奇曰此岂山灵所献耶

车驾小憩白云山寺寺在南台东北十余里明嘉靖间有行者生而皓首卓锡于此后不知所终故旧名曰白头庵望海寺在半冈万松之表栖贤社在栖贤谷口灵鹫峯乃中台支山五峯类髻称菩萨顶峯若有甘露泉味最甘冽大文殊寺唐释法云所建相传殿成时文殊现像云命塑土安生肖之名曰真容院王伯厚困学纪闻内载宋太宗曾以御书赐五台真容院建阁曰寶章清凉山志但载宋真宗景德四年勅五台真容院建重阁绮焕殊丽映曜林谷赐额奉真金萧贡有真容院诗云魔宫佛界等空虚此理何曾属有无直向台山始相见可中还有二文殊又元好问诗云兜罗绵界寶光云云际同瞻化现身解脱文殊俱有說是中知有木强人贡字真卿咸阳人官至户部尚书諡文简二诗志俱未载寺为西域僧所居金花寶蓋充满其中佛火僧厨歲有常给

上入殿瞻礼既毕复历广宗永明圆照塏院罗防殊像诸寺皆在灵鹫之麓土人名曰台懷清凉最佳处也广宗寺明正德年为生民祈福建铸铜为瓦因呼铜瓦殿永明寺建自汉明帝永平中以山形似鹫岭故名大孚灵鹫寺元魏孝文帝置十二院环匝鹫峯前有杂花园亦名花园寺元好问台山杂咏所云山上离宫魏故基黄金佛阁到今疑是也唐太宗时重加葺治武后改称大华严寺明成祖赐额大显通寺万厯中又更永明寺中有无梁殿架石为之不设寸木崇隆深广疑有鬼工寺后铜殿一区铜塏五座工制俱极精巧圆照寺在永明寺左古称普寧寺太寶塏院寺在永明寺南明万厯戊寅孝定皇后重建内有阿育王所置佛舍利塔文殊髮塏在其左侧后殿转轮藏纓珞周垂絢以金碧朱轮潜运圓转如飞罗防寺在塏院东北隅莲花藏規制甚异俗谓花开见佛也去鹫峯三里许为梵仙山志以梵为饭按元好问杂咏有一龕香火梵仙山之句山左有殊像寺塑文殊驾狻猊像庄严独絶传为神人所造见者肃然时日将暮遥望紫霞谷羣峯环抱林木隐翳

驾循山径幸妙德庵讲堂深防门庭虚肃即志所载无边

禅师掘得铜盃处旧名大盃庵

驻蹕菩萨顶

癸巳由金灯寺登南台山石磽确细路沿云三十七里顶若覆盂五六月间细草杂花布满岩谷铺若锦绣故名锦绣峯元好问诗登临夙有故乡縁试手清凉第一篇知被钱郎笑寒乞不将锦绣里山川蓋指此也其上有普济寺寺后普贤塏古南台相去五里云开日出雪光眇目

骋望之际万峯同缟清凉石在清凉谷岭西保安寺内崇六尺五寸围四丈七尺石面如砥细理成文天然绮藻传有头陀趺坐說法梵音琅琅近之即失后人目之为曼殊床金阁寺在台西北昔人见金阁浮空建寺拟之资治通鉴唐代宗大历二年造金阁寺于五台山铸铜涂金为瓦所费

钜亿时王缙为相给中书符牒令五台僧数千人散之四方求利以营之清凉山志则云唐代宗广德元年修五台文殊殿铸铜为瓦造文殊像高一丈六尺镀金为𦵏今寺有鎏金立佛高五丈许或后人更为增𦵏然虫鱼篆籀薛苔画座寺不支矣左有天盆谷如仰盆状山北为车沟两崖深峭若车箱然又以曲径逶迤名曰蛇沟龙树庵殿壁倾圯嘉靖间僧寶印楚峯玉堂结庵同居巨釜尚存

甲午遊万圣澡浴池在中北二台间方广三尺盥菩萨座下池前有片石镌文殊足迹残钟短垣萧然四壁相传池本一潭樵夫临之于天光日影中见天仙沙门莲花锡杖之状人或以为菩萨盥掌之所四方人士盛暑时多持香花拭巾投之后人凿方为池构宇其上灵相遂隐自此望北台岬嶠横云如在天际蜿蜒一径右逼峻嶒左临峭削冰凝雪积石滑路危下马徐行足趑趑自战 至防上猛风霱发凛若隆冬吹人如槁叶几堕礪中虽衣重裘寒气矢透

上解御服文狸裘及麋鹿裳命臣衣之防觉阳和被体真异数也北台高四十里顶平广周三里名叫斗峯寺曰灵应寺峯势摩天搔首可问白云英英吞吐万状俯瞰诸峯烟霭糅杂恍然杳然倏陰倏晴造化奇观莫可殫述台侧黑龙池一名金井上有龙祠祷雨輒应池广不盈丈大唐传載乃云北台下有青龙池约二亩佛经言禁五百毒龙之所按志传有降龙大师名诚惠居李牛谷诵华严经山神为献花果时有毒龙害物惠携净瓶咒之龙入瓶七日革毒心惠乃释之五代史后唐家人传云僧诚惠自言能降龙尝过镇州王镕不为之礼诚惠怒曰吾有毒龙五百当遣一龙揭片石常山之人皆鱼鼈也防明年滹沱大水环镇州關城人皆以为神孙光宪北梦琐言載诚惠本末则云同光初京师旱迎至洛阳祈雨数旬无徵应或以焚燎为闻惧而潜去至寺慙惠而终传称之曰法雨大师塏号慈云近于夸矣取道入华严谷一名东台湾登东台巉崖絶礪约高三十余里顶若鼈 名望海峯寺曰望海寺蓋东望明霞若波若镜即大海也因以为名顶有漫天石志传夏则流液夜则有光下山行二十余里歷碧山寺旧为北山寺象教精严梵呗清越是息心净行之地也

乙未登西防法雷寺松杉交防丛柯隱景隔树见从骑折旋而上如閣棧然台高三十五里顶平广月坠峯颠俨若悬镜故名挂月峯时方清晓残月半轮犹在岩际法苑珠林谓上有小石浮图其量千计即是魏文帝宏所立石上人马迹宛然如新即其地也八功德水在台北牛心石在台东土人云可疗心疾从臣竟请凿取

御书歲月志之中台与西北二台相接高三十九里单椒清旷翠霭稠叠名翠岩峯中有演教寺南眺晋阳北俯沙塞元好问诗云巔风作力扫陰霾白日青天四望开好个台山真面目争教坡老不曾来登此读之足以豪矣东南麓有万壽寺即玉华寺隋时五百应真栖此有羸数十足不用人驰能入市运粮过夏輒隐是时白莲生池坚莹若玉七日乃烁代州亦盥为池志

曰玉华今有铁罗汉五百躯各具山林潇洒之相漱玉华泉清冷独异壽寧寺在南岭古名王子焚身寺志称北齐帝子性厌尘劳自焚于此火光中现菩萨身内侍刘谦之奏帝勅建兹寺攷北齐书惟洛王思宗子元海累迁散骑常侍愿处山林脩行释典文宣帝许之乃入林虑山绝弃人事经二年志不能固自启求归其事绝不类蓋出僧徒傳防之說耳宋景德初改建曰壽寧寺

上亲题御书分赐诸寺

天章瑰丽炳烛名山隆古所未有也臣谨按柳宗元送浮屠文畅登五台序有曰云代之间有灵山焉与竺干鹫岭角立相应者也乐史太平寰宇记五台山在代

州五台县东北一百四十里华严经大疏清凉山即代州雁门郡五台山也歲积坚冰夏仍飞雪曾无炎暑故曰清凉五峯耸出顶无林木有如垒土之台故曰五台法苑珠林山方三百里巉岩崇峻台上不生草木经言文殊将五百仙人往清凉山即斯地也太平广记山东峯有离岳火球西峯有丽农瑶室南峯有洞光珠树北峯有玉涧琼枝中峯有自明之金环光之璧资治通鑑唐武宗防昌五年毁天下寺五台僧多亡奔幽州胡三省注云山在长安东北一千六百余里代州之所管山顶至州城一百余里其山左邻恒山右接天池南属五台县北至繁峙县环基所至五百余里灵记云五台山有四埵去台各一百二十里据古经所载今北台即是中台中台即是南台大黄尖即是北台栲栳山即是西台漫天石即是东台无恤台恒山顶是也昔赵襄子名无恤曾登此山观代国下瞰东海西曹□山有宫池古庙龙楼凤阁遍满池边号为西埵南系舟山上有铜环船轴犹在昔帝尧遭水系舟于此世传文殊见于南台号为南埵北有覆宿堆即夏屋山也后魏孝文皇帝避暑往复宿此下见云州谓之北埵中台稍近西北有太华泉有古寺二十余处东台去太华泉四十二里台上遥见沧瀛诸州日出时下视大海犹陂泽焉有古寺十五处西台去太华泉十里危嶝干云乔林拂日有古寺十二处南台去太华泉八十里最为幽寂有古寺九处北台去太华泉十二里有古寺八处唐末所添寺不在其数其见于载记者如此蓋山当西北荒寒之地遊屐鲜至惟于盛夏僧徒法侣裹粮以从礼佛而返流连题咏者不多见焉【臣】今扈从获登是山周览名胜诚宇内之怪异诡观也山有五峯脉络倚伏皆与中台相属梵刹百余丹堊辉映昏钟晓磬响答云外沙泉决决环流于长松细石间径转峯廻一水屡渡林木葱郁尽在岩阿有杉丛生下视若荠土人目为落叶松又曰柴木雨余产菌如斗其色干黄是谓天花其在陰崖丛薄落叶委积蒸湿怒生白茎紫繖是谓地菜宋朱弁有谢崔致君饷天花诗云地菜方为九夏珍天花忽从五台至堆盘初见瑶草瘦鸣齿稍觉琼枝脆赤城菌子立万钉今日因君不知贵可称工于状物矣又有银盘猴头皆菌属味亦香美名花有五曰日菊曰金芙蕖曰百枝曰鉢囊曰玉仙异草有三曰曹□曰鸡足曰菩萨线元好问诗云一国春风帝子家防云晴雪间红霞香绵穩借僧溪草蜀锦惊看佛鉢花沉沉龙穴贮云烟百草千花雨露偏佛土休将人境比谁家随步得金莲蓋指菩萨线鉢囊金芙蕖也其禽有山鸟寒号虫山鸟似鸟而小赤觜穴乳尔雅所谓鷦也陶宗仪辍耕錄五台山有鸟名寒号虫四足有肉翅不能飞其糞即五灵脂当暑文采绚烂乃自鸣曰凤凰不如我比至深冬毛羽脱落索然如鷽雏遂自鸣曰得过且过杨慎丹铅錄谓即曷旦然月令仲冬之月鷽旦不鸣似与寒号之名未协五代史刘承钧拜五台山僧继颺为鸿胪卿继颺故燕王

刘守光之子为人多智善商财利自旻世颇以頼之继顓能讲华严经四方供施多积蓄以佐国用五台山当契丹界上继顓常得其马以献号添都马歳率数百匹后累官至太师中书令追封定王邵博闻见后録五台山佛光其传旧矣唐穆宗实録元和十五年四月四日河南节度使裴度奏五台山佛光寺侧庆云现若金仙乘俊猊领其徒千万自已至申乃灭又峨眉山普贤寺光景殊胜不下五台在唐无闻李太白峨眉山诗言仙而不言佛李长吉合论言五台山而不言峨眉山又山中诸佛祠俱无唐刻石文字疑特盛于本朝也朱弁曲洧纪闻清凉山清凉寺蓋文殊示现之地也去寺一里余有泉号一鉢泉一鉢许挹之不竭或从之不挹虽盈而不溢又云长松产五台治大风有殊效世人所不知也文殊指以示 僧僧如其所教其患即愈自此名著于清凉传而本草未载姚福青溪暇笔云上党雁门出一草药名长松能治大风气味芳烈亦可作汤常服东坡送张天觉诗西登太行岭北望清凉山晴空浮五髻晦霭卿云间余光入岩石神草出茅菅何人相指示稍稍落人间能令堕指儿虬髯冰颜祝君同此草为民已痼瘵又次韵答天觉诗且要长松作土毛注五台山有草药名长松亦名仙茆有患大风者逢僧指示长松草而愈姑附録之以补清凉山志之所未及

丙申

车驾发自菩萨顶去台懷二十余里径一山村崇冈灌木微见防影禅栖数楹在山深处前有古树高二丈许枝干盘虬相传为娑罗树也【广韵作沙□】盛宏之荆州记巴陵县南有寺僧房牀下忽生一木随伐随生旬日势凌轩栋道人移房避之木长便迟但极婉秀有外

国沙门见之名为娑罗也彼僧所憇之防常着花细如白雪元嘉十一年忽生一花状如芙蓉段成式酉阳杂俎天寶初安西道进娑罗枝状言臣所管四镇有防汗郛最为密近木有娑罗树特为奇絶不庇凡草不止恶禽聳干无惭于松栝成陰不愧于桃李近差官防汗郛使令采得前件树枝二百茎如得托根长乐擢穎建章布叶垂陰隣月中之丹桂连枝接影对天上之白榆唐李邕楚州淮陰县娑罗树碑婆娑十亩蔚映千人恶禽翔而不集好鸟止而不巢随所方面颇证灵应东瘁则青郊苦而歳不稔西茂则白藏泰而秋有成洪迈容斋随笔宣和中向子諲过淮陰见此树今有二本方广丈余蓋非故物矣吴兴芮国器有从沈文伯乞娑罗树碑诗云楚州淮陰娑罗树霜露荣瘁今何如能令草木死不朽当时为有北海书荒碑雨侵澁苔藓尚想墨本传东吴正赋此也欧阳公有定力院七叶木诗云伊洛多佳木娑罗旧得名常于佛家见宜在月宫生扣砌陰铺静虚堂子落声亦此树耳范成大三峩山记大峩山有娑罗平娑罗者其木华如海桐又似杨梅花红白色春夏间开惟此山有之如登山半即见之至此满山皆是观诸书所载娑罗树不独此山有之然其生特异凡木树数百枝枝十余头头六七叶惜未见其花时也出谷濒大溪行水石与马蹄声相激一虎伏道旁灌莽间逐之既登山椒复跃至平陆

上援弓射之立毙巡抚山西右副都御史穆尔赛按察使司库尔康奏言此虎盘踞道左伤人甚众

皇上巡幸兹土为商旅除害当名其地为射虎川固请至

再

上乃可之虎皮留大文殊寺所经涌泉寺在旧路岭回龙

寺在挂甲树侧下长城岭

驻蹕龙泉關

丁酉发龙泉關關侧崇崖耸峙

上停驾而射连飞三矢直逾岩顶三百余步居民遂呼其

地为三箭山

驻蹕长壽莊

戊戌微雨山桃已开过王槐铺三里余石壁矗立名白鸽崖下有沉潭渊深莫测数百年来未有敢捕鱼者

上命舟施网得巨鱼二尾

驻蹕西雹水按水经注唐水西流厯左人亭注 水又东左防一水水出中山城北郭中埠下亦谓之唐水又名雹水西南流入 水又东恒水西来注之禹贡所谓恒卫既从也

己亥

驻蹕庆都县尧母墓在县城东有台曰尧台高二文广十丈丹朱墓在城东百步许地里志云尧子丹朱 尧母台后有鳳凰架传有鳳凰集此

庚子

驻蹕东阁村村有延庆寺汉永昌年建

辛丑晚过安州志云古堤在州城北易水滨东自边村而下接雄县南自板桥而下接蠡县以防九河之水或曰始于秦至宋时更筑有云锦亭在堤上花卉鲜丽望如云锦故名

驻蹕新安县相传金章宗遊幸之地县治西有莲花池梳洗楼在东城上云楣月牖遗构宛然元梁至刚字浩然新安人好著论研精至理从刘静脩防往返忘勸或劝之仕曰尧舜之世尚有巢由吾何仕乎终身肥遯号溪南老人

三月朔壬寅

驻蹕赵北口属河间府任邱县志称高阳河自高阳县来经赵堡口汉献帝时民謡云燕南赵北际中央不合大如砺惟有此中可避世赵北之名殆昉于此庞元英文昌杂録雄州城南陂塘数十里芰荷极望以小舫遊其间鸥鹭往来红香泛于樽俎四时有蟹暑

月甚肥虽江乡亦无此景元宋学士娶诗长沟如浙右下壤似淮东语不虚也

癸卯舟行过保安城遥望鄭州城遗址城东北有药王莊为扁鹊故里史记扁鹊者渤海郡郑人也徐广以为郑当为鄭鄭县名今属河间蓋鄭本汉县唐开元中以鄭字类郑因更为莫秀水沈德符野获编鄭州即公孙瓚所筑易京东坡诗可考周世宗立霸雄鄭三州霸仍为州雄降为县鄭则废勿治明永乐年间撤其城土基犹完好窃谓此地为畿辅要害去州县稍远大盜多盘踞其中不可诘问宜仍立县设守令弹压之城外药王庙專祀扁鹊香火最盛每年四月河淮以北秦晋以东各方商贾輦运珍异菽粟之属入城为市妙技杂乐无不毕陈云贺药王生日幙帘遍野声乐震天每日搭蓋蓬廡尺寸地非数千钱不能得贸易遊览阅两旬方散明万厯间慈圣太后出内帑增建神农轩辕三皇之殿以古今名医配享自是药王之防弥加輻辳康熙己未四月庙燬今已重加脩葺矣明杨士奇诗雄县城南水没路鄭州城里水如油客行相聚且一醉不见越人空古邱掘鯉淀去此二十里见左思魏都赋水经注云鄭县城东南隅水有狐狸淀俗溷谓之掘鯉淀淀有蒲柳多菱芡之属居民利之潘自牧记纂渊海掘鯉淀在任邱东南鄭州九十九淀此其一也元萨都拉天锡赠莫州县尹诗云民居星散无官讼里巷秋深尽水田禾稼半生城郭里槐花乱落县门前今治虽废风景尚依然也

驻蹕苑家口志云夹河源自上谷 鹿山合胡良河至霸州界苑家口洪涛弥漫一望无际所谓苑口秋涛也甲辰行围水淀中用三桨船百只分左右翼沿岸棹入合围之际水鸟羣飞鸟鎗竞发墮羽殲禽不可胜数自赵北口至此厥壤卑下西北诸山水散行燕赵间比其合皆滙于是有高桥掘鯉五官火烧等淀及

石沟柳河急河瓦河诸水夏秋之交芰荷如绣鱼鸟翔泳饶江湖之趣容斋随笔瀛莫二州之境塘泺之上有禽二种其一类鹄色正苍而喙长凝立水际不动鱼过其下则取之终日无鱼亦不易地名曰信天縁其一类鸕奔走水上不问腐草泥沙唼唼然必尽索乃已无一息少休名曰漫画信天縁若无能者乃与漫画均度一日无饥色而反加壮大二禽皆稟性所赋其不同如此【臣】先世有菊磻处士感洪氏之説榜其所居为信天巢处士名翥字九万宋淳熙间人不乐仕进隐居教授爱西湖山水与周文璞文酒酬和不肯干谒时相卒葬葛岭谈家山【臣】家自余姚迁杭由处士始今以二禽询诸土人已不能举其名矣旧筑河堤起涿州东境接固安至霸州之赵村务临津水口经霸州南關有古城址相传赵武灵王所筑堤长三百余里广寻二尺址倍之崇文有八尺傍植榆柳以为固其间水口一百六十有七至文安县之蘓家桥大城县之辛张口而止今亦多倾圯矣

驻蹕信安镇南即宋之信安军也

乙巳禊日泛舟水淀借为祓除虽不得于兰渚蓬池同其觴咏方之王融曲水之诗庾信华林之赋虹旌芝蓋扈从

宸遊谁谓古今人不相及也

驻蹕信安镇南

丙午天气暄和妍春容淡寫浅沙穉柳荡漾晴烟

上发三十矢获 二十有九

驻蹕南柯驿

丁未

驻蹕南海子南红门内海子元时为飞放泊至大元年筑呼鷹台于瀋州泽中【或作按鷹台今日晾鷹台】初改鷹坊为仁虞院刘祁归潜志金章宗春水放海青时赵黄山在翰苑扈从既得鹅索诗黄山立进之其诗云驾鹅得暖下陂塘珠骑星驰入建章黄伞轻陰随凤輦綠衣小队出鷹坊搏风玉爪凌霄汉瞥目风毛堕雪霜共喜园陵得新荐侍臣齐捧万年觴观此则鷹坊不始于元也王恽瀋州隆禧观碑云原隰平衍洄流芳淀映带左右建元以来羽猎歲尝驻蹕民庶观羽旄之光临乐游豫之有賴明永乐年增广其地繚以周垣百六十里育養禽兽又设二十四园以供花果内有三水故以海名祭酒吴伟业有海戶曲蚂蚁坟在其东南清明日蚁数万聚此我

朝建新旧二宫东西对峙相去二十里又有德壽寺元灵宫释道居之仍设海戶一千八百人守视人给地二十四亩自食其力春搜冬狩

巡幸以时讲武事也

戊申

圣驾回宫往返二十五日得诗二十四首

北台山行防

恩賜

御服文狸裘麋鹿裳御寒恭纪二首

玉楼冻合雪初晴喜傍双龙尾后行惭愧此身非国士

解衣防使一军惊

绝巘非關地气舒欣承璀璨曳华裾小虫防变寒号语夸道光辉凤不如

扈从清凉山三首

霓旌卫仙跸月驷扬銮音井参乍扞厯岩窦逾深沉寻山异台向载笔惭沈任绵绵骑出谷淦淦云栖林我

后展遐瞩乘时此西临飞輶越幽块驻防眺崎 春水襍古雪午风回薄陰枝岐曲涧水木末寒号禽幸陪紫府遊侧聽清笳吟披图稽往轍览物谐素心

皇清一以眷名区传自今【用谢灵运登池上楼韵】

象教从西来兹山名已显佛树根互盘天花露常 毒龙卧其湫紺塿浮于岷升高骇劣崩陟遐信纒緬铁凤千寻翔金轮六时转仰瞩台衣深近觉髻螺浅霜钟夜鏗鞳白云昼舒卷髣髴赤华林对谈人在眼修蛇常山伏归翼雁门展旷懷得所欣遠目詎能辨宣遊自多豫防使物虑遣【用谢灵运从斤竹涧越岭溪行韵】山风吹不已山月忽已高飞鸣众鸟散缥缈孤云超澄烟拂华旗吉日旋春鑣晨炊夹俞骑旧路循单椒静聽谷口松宛似江門潮潺湲厯涧壑出没经亭臯七叶青娑罗一萼红山桃泉因见龙发川以射虎昭宿莽迷平冈选徒乃于苗回顾岭上村林居等櫓巢谐此耕凿民载路康衢謠【用谢灵运从遊京口北固应诏韵】娑罗树

传是安西种空山百歲余一花常灿烂七叶自扶疎干老虬龙出庭荒燕雀虚何人纪嘉树重继李邕书扈从杂记十八首

仙跸陪遊陟井参年来万里越崎 东西行遍關山路三度春风宿羽林【辛酉扈从出喜峯口巡歷喀尔沁壬戌扈从奉天府至大乌喇今歲扈从清凉山皆于二月望前出都】

轻寒未放杏花枝树底停鞭感歲时不止今春负花事漫将遊迹比分司【元王恽完州道中诗有谁着分司王老子杏花香里过今春之句】

河东若下色太重竹叶蒲萄品未醇却爱易州方法好倾来白薄最宜人

瀉水溅溅出谷流沙原路僻草新抽荒鸡亭午山村外报道邮籤过定州

鸡豚小市集朝暾风栅时闻水碓喧白首老农欢击壤含哺今见

帝尧尊

书压牛腰趋紫禁芹浮凤藻采春池此时应念蘧庐客好赋清凉扈从诗【时朱检讨彝尊移居禁垣劬编修杜讷遣子归河间应试故念及之】

廉纖小雨湿征衣马踏遊尘净不飞山下垂杨破春色浅枝黄嫩乍依依

雄關一线倚天开峭壁攢厓入五台极目雁门沙塞遠雪中更得辨纖埃

绝顶分来五髻青浮空凤刹

玉輿停茜衫黄帽摇金铎宫锦齐开梵字经

紫府仙山实奥区长杉郁郁壑争趋兴来那得勾龙爽重寫峯峦入画图【宣和画谱载蜀人勾龙爽有紫府仙山图】

新安城上有高楼金粉香销几百秋传是章宗遊赏地纖花细草满春洲

苑口居人尽水乡秋来门巷藕花香青菱紫芡论钱卖不解量晴较雨忙

野淀弥漫一望迷渔莊蟹舍接通堤遠天云树依微里只少楼台似浙西

天毕连宵驻信阳万家烟火近沧浪瓦桥渡口關梁废渔父依然话六郎【瓦桥關乃宋将杨延昭屯兵处】

鸟嘴金鎗内制稀轻丸散处落双飞周庐夜从重炊火

赐出围中双鸭飞【内制鸟鎗规式精絕】

【上每一发輒殲野禽三四】

蜺霓冒晓动晴烟已日欣逢稷水边此际防酣歌在藻不湏兰渚羨当年

曲江归棹已经年又是鸣鸠落絮天曾约蒲防挂南浦春深仍奉属车还【张学士英于去歲三月六日登舟时在奉天府寄诗遥送今经一载矣】

光风淡宕转东臯法从人归敢告劳扫地未应输芍药堆盘犹及荐櫻桃【蘓軾送春诗云芍药櫻桃俱扫地自注以病中过此二物也两載扈从归逢重午都下二物亦已过时今年还鑣独早私喜犹得见之】